

補續全蜀輶文志

續全蜀藝文志卷之三十七

黃岡杜應芳 裁訂

景陵胡承詔

箴銘 贊跋

主一箴

宋張栻

伊川先生曰主一之謂敬又曰無適之謂一嗟乎

求仁之方孰要乎此因為箴書于座右且以論同忠

人稟天性其生也直克順厥彝則靡有忒事物之感

紛綸朝夕動而無節生道或息惟學有要持敬勿失

驗厥操舍乃知出入曷爲其微妙在上一曷爲其一
惟以無適居無越思事靡它及涵泳于中匪忘匪亟
斯須造次是保是積既久而精乃會于極勉哉勿倦
聖賢可則

四益箴

前人

先君晚歲嘗大書四言以詔杓弟曰無益之言勿
聽無益之事勿爲無益之文勿觀無益之友勿親
杓受而藏之惟謹先君既沒之九年則以請于某
曰伏有惟念大悞無以承先君之意既以四益名

堂願兄追述其義將列之座右朝夕儆戒以庶幾
乎萬一其奉書而沮退而爲歲以告之

若古有訓聽德惟聰聞過以改聞善以從匪是之聞
則爲無益誦言溺心姦言敗德嗟哉勿忘敬其朝夕
卓尔有定聽斯不惑朝夕之間何莫非事事所當事
是爲君子惟欲之動則亂于爲營營何益擾擾孰知
此之有適當收放心身喻其工屢薄臨深異說害道
我則弗適浮文妨實我則弗貴而况末俗訛論俚辭
當絕于前勿亂于思潛心聖賢博攷載籍聞見之多

予以蓄德大倫惟五友居其一我觀昔人敬戒無覈
以狎而比以順而同德惟日喪友亦晷終必歸尔心
忠信是親神之聽之中和且平

克己箴

閣試

國朝趙貞吉

天地萬物本吾一體也吾何以知天地萬物之然哉
天地非仁將恐折萬物非仁將恐歇吾心非仁吾身
將恐蹶吾何以知吾身之然哉吾視非仁盲從目生
吾聽非仁聾從耳騰吾言非仁口過嚶嚶吾動非仁
身過殷殷嗚呼微翳眯睛則八方易位一念顛倒而

人已成敵執迷爲真賊以代字四竅塵投一妙覺死
樂出於虛蒸則炊甯既死之心不可復振蝸窟蝼穴
去仁幾何焉飛魚躍于仁何若古之有道去彼取此
三才歸根一日克已吾何以知有道之然哉以其無
已也故能成其已嗚呼吾有大已俯萬物而官天地
者也大已不狹小已揭揭小已既克大已潑潑古之
善克者視於無形聽於無聲動無軌轍言非述稱四
用反一一真流行無體無方禮嘉而亨少有意必固
我作類妙用齊滯且爲痿痺此爲不仁而揀櫛小已

是故無己爲克其己爲大至大爲仁體無對待不見
大小焉知內外性此曰聖復此曰賢小子至愚擇焉
執焉昔者吾友從事於此敢言非狂爲仁由己

居家箴

楊 珩

族之盛者家必和福之隆者善必積家之和本於正
倫理而篤恩誼善之積在乎廣仁心而認天理天道
虧盈故君子守之以謙鬼神難欺故君子慎之於獨
有容德乃大有忍事乃濟愛憎不偏可以濟衆賞罰必信可以
服人處親昵者恒掩義惟剛以全恩待於高者不問怨惟豐

上青天邪赤甲白鹽峙峨眉邪擗節誓鉤飲躄邪
一物不有而不無邪噫嘻此舍是真蜀國身如盡公
靡索不獲行以蜀馳臥以蜀息陰撫陽魏吳越瓊錯
裴狃周流誓不以易謂不信者有如此石

清流杜氏寶田銘

在安岳

杜孝巖

昔我皇祖節節處士實居谿上題於石壁字有十
六忠孝二字吾家之寶經史二字吾家之田爲我
子孫留此基銘舊屋改矣谿山自如而溪背山新
掃吾廬山獻巨壁可以大書乃作斯銘以毋忘厥

初銘曰

忠孝之寶出爾性天忠不待貴癸灌有尊孝不待富菽
水盡歡苟能寶此既羨且安經史之田在爾菑畝穗
穆是格稂莠是除苦心立志斯爲良圖雖有饑饉必
有豐餘光明之山灑玉初露下築山根寶田所富此
山不磨此寶長明此山不滅此田長明環堵既新勒
山爲銘子子孫孫生生成成

淨慧品銘

白麟

淨慧品唐乾元中僧舍也歲月深遠莫知其詳迄

今僅四百年會宗既頽崑崙石像亦斧鑿矣獨山
出木與古無異處士趙慶昇飄然有山林之志乃
紹興辛未創室崑崙畔與木石居既又鑿山骨刻蒼
巖修石像飾以丹青石室峭嶒可庇風雨釋氏風
致煥然松石之間乾元之迹于是乎不亡矣銘曰
士之履道若崑石然歲月弗治蒼蒼芊綿維心與迹
其勢若聯一或弗淨斯罔覺焉君子有見端本澄源
世務如脫浩其孤騫虛靈精瑩乃復其天萬事萬物
昭吾目前藐彼金玉塵視軒冕維此淨慧岑寂有年

卓哉隱君脫屣翩翩萬木蒼翁聳一室獨懸乾元之迹
庶幾永傳松風清清澗水涓涓無物無我是爲福田

定遠縣牧愛堂銘

胡濂

維彼墟矣阻江而城江水噬之城廬潰崩民居日
蹙盜賊縱橫公私暴露上下震驚此邦之困凡數
十年羣居憂之升聞於天役鉅費艱而不果遷余
歲庚戌承乏來茲明年有詔決遷於時群公曰咨
爾其成之藏不可發民不可疲 天子之命百姓
之思是在今日斷然無疑八月丁酉大役迺興闢

歲者再而功告成凡此成功庶民所贊誰其課之
僚友之能又誰尸之群公之明始時定人蕩析飄
零今獲其處彼止彼寧始時定邑商旅不行今慕
而集來止盈盈始時來遷思以靖之既遷而安息
以振之我僚我友盍其聽之自今以始邑其載更
各棄爾舊而新是增毋荒而怠毋險而傾毋競以
傷裕毋絀以廢經毋悖以犯俗毋貪以敗名毋縱
其始而棄其戒敬慎爾猶以爲民楨尚禪積靡煥
然其興抑余與汝其未有聲我作銘辭鏤之政廳

庶幾末世視此刻銘

嘉定府延祥觀鍾銘

魏了翁

二五之運徵爲五聲周疏相濟混緩相成人於天地
稟氣受形蓋與聲律一本而生故爲大鑪以首
八音夙夜聽之和乎其心是謂天合匪石匪金樂廢
禮壞聲謝器沈三氏之宮僅存于今制雖亾古所
發亦深尚敬禱聰后帝女臨

註易洞銘

有序

陳嘉言

九嶷山人陳嘉言理郡之暇遊九峯之山近亭安

先生注易洞觀所然易方圓圖仰惟先生玄德整範藉
甚海內道風與山岳同高勝氣與雲俱遠豈直
儒者師之實乃邦國之珍也遂不揣鄙薄僭擬斯
銘銘曰

於惟先生厥德孔碩該貫五經尤深在易教不混文
學惟究畫潔淨精微無隱無遺道遙九頂友于三益
續孔帝編得周正時監觀道範式如金壁石
荆襄三輝
光奕三輝

又銘

劉

隅

金事山東

讀易茲岩者有明先生安氏也名佑字于吉先生

玩味探體餘十年而後出以理民公同邪刑厥施
未溥以沒然民至于今祝享之有子爲名爭臣巨
儒而傳先生之學益遠則先生之易爲不忘矣聞
出爲洞宏深淵間而仰而思潏而息終身也著
寔先生之子都諫君作之曰注易者前嘉守梅美
名之都諫君命作銘以示末末不淫其友魯國劉
鵬銘曰

一畫筆形四聖繼纂玄旨殊趣塗理斯開不著其讀
糾紛以外於惟先生靜契冥觀謂茲太易輝渾元元

如海無圻象聖之詞順贊油沿軌非海瀾後千百祀
聖人出焉亦必異詞異象而洞詮是故可言可以無
言惟茲崑洞中海六虛連峯峴嶠二江滄紆三辰上
麗庶彙旁敷其先生之注邪非乎我銘丹堊用配靈圖

武侯八陣圖銘

并序

劉 隅

鴻疇六合之間或峻壁巍峯時而崩摧長濤巨浸
時而澌竭亦或有磐石消泉終古不可夷而絕者
此固神理氣化之能然非至人莫能前識焉蜀諸
葛武侯八陣圖有二其一在新都之彌牟鎮其二

在夔之魚復沙上即此是也數千年餘渦迴浪湧
每夏秋之交日星爲之暝晦蛟龍爲之駭匿大地
羣壑爲之震搖而纍纍之石曾無損移顧不異甚
矣哉庚寅春正之旦翌日臈舟浦次登觀竚蹟徐
步而周望乃畧測其故而歎化理之微武侯神識
之遠也蓋浦之上者溪引江濤以趨北岍岸有土
瀼易崩故江漲則益趨之唯浦石離離隆然介其
中盤錯鬱結甚固浦之下則束以瞿唐鎮以灑瀆
江流扼於吭隘漫渙而回迤匯數沱此浦又在回

沱之曲正其漩緩歇薄之會而盤激衝撼之所不
及也故巫峽不刻灑瀕不拔則石無可轉之期唯
諸葛公智炳物始機測化終爰演兵圖於此靈渚
擇夷極險厝至靜於至動使夫扶漢討賊之志忠
精雄武之槩昭垂萬世與天地江山俱敝爾余故
刻石系銘樹之廟廡以俟觀者銘曰

岷嶓黑水寔唯梁州乾關重險坤垠上游烈烈武侯
懿精是噓靈威大暢于梁之區粵古軒皇風牧執象推
妖極克兵陣是創姜望佐周留侯授沛不有神契孰

開草昧惟公獨生在漢季業龍姿騰厲以翊昭烈奇
機在握聖明同揆雷躍其行嶽峙其壘眷此魚復繇
延斯于罹唐下扼灑瀕擁前江濤排天此無衝激終
古不移離離者石乃布神規用訓貔虎蛇鳥舒蟠風
雲飛怒式法大乙體喻常山分合游翼竒正循環蹙
吳吞魏皇漢是衍頻頻其衷如石不燬業虧鼎足運
丁星隕唯此無疆與天地準我銘非石銘公之心悠悠萬
紀玄理可尋

蘇鎮撫井銘

王元正

翰林檢討

土門堡東踞要地也勢阻亢險上乏鑿澗積歲
井不可得君旅取汲於流泉上下峻坂往來苦之
且東邈青片板舍諸番白若羅打北越之蓋百有
拾餘寨以無井故每肆侮我惟徙於壩底以圖斯
湏弗渴死都督何公畫而有憂色茂衛鎮撫蘇時
民望實提督斯堡曰軍可以勇倡食可以官輸眾
可以信結城可以力守然一日無井則渴二日無井
則病三日無井則死吾恐甚乃周視燥濕遙祝高
厚不敢匱朝夕之勤歲戊戌仲春乃鑿於城內東

北閭市拾日告得形若仰釜深餘四仞味極甘寒
 聖欣炸有生樂無死憂以滌以甦既汲既漂諸夷
 駿奔來觀與神明之驚效犬羊之喙民望乃致一
 鬯於山人旋飲之喜甚乃仰而嘆曰飛泉發於佩
 乃清滌澆於首顛予聞諸古矣乃今見諸土門彼
 得之倉皇此得之閑暇緩急之機異感石之誠一
 也越三年為辛丑夏乃借文友節尚儀蔣友志清
 希夷鄭友鏞宗周晏友謨尚弼詠尚益陳友朝儀
 肅卿周友詔汝承入土門觀焉遂題為蘇鎮撫井

其子繼文光祚進而請曰石獲題幸矣銘弗留者
耶山人乃爲銘曰

惟天一生地靈洩馮夷發源夔導昧虎吞龍吸永靡
竭宵鼠晝隸誰敢桀恭忠廣勇同昭揭

桃源山銅標銘

李化龍

皇帝二十有八年播人不軌

天王赫怒爰整六師以誅不供粵有四月盡俘厥醜
遂瀦其宮方三千里始入

皇封載勒銅標末鎮西南

蜀崩銘

王志遠

或進上方或承筐是將曰川是常邀於金哉而貢於土勿謂胡傷

禹妻贊

漢曹植

禹妻塗山土功是急惟啓之生過門不入矯達明義
勲庸是執成長望嗣太祿以襲

諸葛武侯畫像贊

宋張栻

權忠武侯識其大者伏羲履仁卓然不捨方卧南陽
君將終身三顧而起時哉屈伸難平者事不昧者機

大綱既得萬目乃隨我奉天討不震不竦惟一其心
而以時動噫侯此心萬世不泯遺像有嚴瞻者起敬
乾道丁亥予遊長沙見張敬夫書室有武侯畫像
甚古云是劉文子駒家藏唐關立本筆因謂敬夫
盍爲之贊敬夫欣然口占立就語簡意到聞者歎
服以爲非深知武侯心事者不能道也王兄齊賢
因摹本而屬敬夫手題其上後二十九年齊賢諸
子出以視予俯仰嚙昔如昨日事而三君子皆不
可見矣爲之太息記其下方

朱熹跋

杜甫贊

宋狄遵度

先生甫名其字子美其祖審言當景龍際以詩自名
 高視一世逮子美生其作愈偉少而不羈跌宕徒倚
 太章短篇絕乎有尾詩派之別源遠乎哉波流沄沄
 乃自我回躡崑崙巖巖足亂四溟視縷蛤蟬拘致鯤鯨
 蜿蜒委瓊巨細雜并一啜則已不圖其贏橫放直出
 詭色互端排蕩摧曼措齒不安鬼求於陰神索於陽
 鈎搜錯莫色沮氣傷因形撇影隱露藏蔽殫變極態
 惟厥斯精毒牙啞踞初不用意沃粹醇源植根塊土

貫赫胥庭盤燧人圖經亘聯屬百億萬世芬釀維維
織細委墜咄啾陷藉羣雜走死嗚呼子美之迷吾能
謂之子美之意吾能知之其所未知蓋未得其云爲

東坡畫象贊

黃魯直

子瞻堂堂山于峩眉司馬班揚金馬石渠閣士如墻
上前論事釋之馮唐言語以爲階而投諸雲夢之黃
東坡之酒赤壁之笛嬉笑怒罵皆成文章解霸而歸
紫微玉堂子瞻之德未變於初爾而名之曰元祐之
黨賤之朱崖詹耳方其金馬石渠不自知其東坡赤

壁也及其東坡赤壁不自意其繁微玉堂也及其繁微
玉堂不自知其朱崖僭耳也九州四海知有東坡東
坡歸矣民笑且歌一日不朝其間容文其一丘一壑
則無如此道人何

又贊

黃魯直

岌岌堂堂如山如河其岌岌之也引之上西掖鑿坡是
亦一東坡非亦一東坡桐項黃馘觸時干戈其惡之
也援之於鯤鯨之波是亦一東坡非亦一東坡計東
坡之在天下如太倉之一稊米至於臨大節而不可

奪則與天地相終始

石室先生盃竹蘇軾并序

蘇軾

與可文翁之後也蜀人獨以石室名其家而與可
自謂笑笑先生蓋可謂與道皆逝不晉於物者也
顧嘗好畫竹客有贊之者曰

先生閒居獨笑不已問安所笑笑我非齋物之相物
我爾一也先生又笑笑所笑者笑笑之餘以竹發妙
竹亦得風天然而笑

與可畫竹水石贊 并序 前人

友人文與可既沒十四年見其遺墨于昌元之家
嗟歎之餘輒復贊之

竹寒而笑木瘠而壽石醜而文是爲三益之友粲乎
其可接邈乎其不可圖我懷斯人烏乎其可復觀也

與可枯木贊

前人

怪木在庭栝栢北走窮猿投壁驚雀人隴居者蒲氏
畫者文叟贊者蘇子觀者如後

戒壇院與可畫墨竹贊 蘇軾

風稍雨釋上傲冰電霜根雪節下貫金鐵誰爲此君

與而姓文惟其有之是以好之

與可飛白贊

前人

嗚呼哀哉與可豈其多好好奇也歟抑其不試故藝也始予見其詩與文又得見其行草篆隸也以爲止此矣既沒一年而復見其飛白黃哉多乎其盡萬物之態也罪罪乎其若輕雲之蔽月灑灑乎其若長風之卷旆也簡簡乎其若遊絲之縈柳絮裊裊乎其若流水之舞荇也離離乎其遠而相屬縮縮乎其近而不隘也其上至于如此而余乃今知之則余之知與

可者固無幾而其所不知者蓋不可勝計也嗚乎哀哉

李冰贊

方孝孺

處厲民之時而爲惠民之政非仁者不能也興一方
之利而流萬世之澤其才智足稱也幸而治乎蜀使
斯民違乎難而樂其生也不幸而仕乎秦使後人論
其世而賤其名也夫因時而宣之德者身爲矯時而
反古之道者難行也如公者爲人之所難而能取信
于上下殆非秦人也三代之英也

武侯贊

漢治任法難乎大臣維忠武公千載一人綜覈萬事
以義而動虎耀龍驤天下震怒極其智能亂不足平
天寶厄之大勳無成戎收紛然處之甚暇論其所存
伊呂流亞古學不傳士氣益卑公心不忘百世之師
李太白贊

唐治既極氣鬱弗舒乃生人豪洩天之奇矯矯李公
雄蓋一世麟游龍驤不可控制糶糠萬物甕盎乾坤
狂呼怒叱日月爲奔或入金門或登玉堂東遊滄海
西歷夜郎心觸化機噴珠湧璣翰墨所在百靈護持

此氣之充無上無下安能瞑目闕於黃土手搏長鯨
鞭之如羊至於扶桑飛騰帝鄉惟昔戰國其豪莊周
公生雖後斯文可侔陋彼小儒氣餒如鬼仰瞻遺風
猶虎與鼠斯文之雄實以氣蒐後有作者尚視于公

青城五隱贊

楊慎

范公英英炎漢挺生韻華金德潛光玉恒讓王媿美
洗耳借清漸遠鴻羽爭陰鶴鳴右范長生

天授韶音入林結茨鳳兮翩翩麟之儀儀年百廿歲
有嬰孺姿山壙淵楊奚以尚之右范

岷山逸老藏用隱賢執淮寂袂拍薛昌肩高吟弄月

長嘯揭天遺蹤何在白沙瓊田

右句合符

白雲先生六詔不起乃如蒲芝聯德敵體孟光同耀

柳妻遺謀有婦人焉五人而已

右張俞妻曰蒲芝

臨利不敢先人見義不敢後身諒無補於事崇要不

負乎君親遭逢太平以處安邊歌詠繫壤以終餘年

天之顧畀厚矣篤矣吾之涯分止矣足矣困而尋冲

而盈寵為辱平為福者邪

右自贊

宋學士潛溪先生讚 彭端吾

取精誕異竅應星虎

先生七月而生鴻烈解曰星主七七主虎

大人革變

文明碩輔未齷能詩總角好古劬學青蘿借書鄭圃

盡數萬卷目獵無吐令聞既庶徹彼中宸異史紛命

賁帛交陳舍車而徒義弗肯乘懷寶鳳隱著書龍門

舉世皆濁侯河之清龍起金陵萬靈輻輳無材不鳩

羣彥盡購初應方旌先生儒宿定亂鴻谷不殺首奏

一見道行片言仁覆程能媚主量力自憐文墨議論

不任事權萬乘宿友國貳師詮因事牖日據經籒天

焚草靜諫温樹慎言

帝委悉旅

國賴仁賢華懽重開草昧再造禮樂玉章曆律神奧
徹侯封賞夷裔文告史裁典謨朝綴訓誥博瞻雅馴
無不盡述碑板碑記讚說序銘流被州郡充濫畿京
人秘紺珠家寶白珩島夷慕義荒服懷英白金訓筆
九譯知名忠公忌私隱惡楊善直諫無虞爲

帝所讚錫馮畫接醉酒夜讌

宸藻誅踪國紀褒善賜綺而還難老是願隻古隆寵
炳代宗工辭闕遂初歸田考終孫罪不宥天怒儵霽
匪我之故維道之窮靡咎罔測矢心則同后月却柳

前星按漢莫入生言期以死諫剖腹明君徵史猶洊
殞身乞師唯今一見廟社竦驚天地震澹帝威霽止
遷蜀餘生敢憚匪解自屏累臣不脫桎梏致命夔門
兵解道錄形超理存瘞骨華陽豈滯泉扁草鞠園流
彈丸方隋越人巴丘奚釋乎頗

帝逐王晉何地不可南北東西并沈有左心苟此瑕
唯世所坐先生之生重繫斯文先生之殉悼感後人
先生之性已御黔盈先生之丘若首淵雲仰止高山
千秋景行

寒玉亭贊

王志遠

行省東偏琅玕手介萬曆甲寅寒露之晨玄亭子
始亭焉字之寒玉而為之贊

繫爾之質如玉之瑩繫爾之韻如玉之清是猶皮相
此君未覩乎厥情霜既墜雪初晴青簾歲粧綠篔簹
銚獨侶長松而後蔭不畏鳩鷓之先鳴繫爾之性如
玉之貞不見乎鍾山之精款之三日而色澤彌明比
德度義錫茲嘉夢石有斐君子敢告同盟

跋東坡墨迹

黃庭堅

東坡道人少日學蘭亭故其書姿媚似徐季海至酒
酣放浪意志工拙字特瘦勁迥似柳公權中歲喜學
顏魯公楊風子書其合處不減季海用筆圓而韻勝
挾以文章妙天下忠義貫日月之氣本朝善書自當
推爲第一數百年後必有知予此論者

跋東坡詞草

陸游

東坡此詩云清冷雜寧森得句旋已忘固已奇矣晚
謫惠州復出與聯云春江有佳句我醉墮渺莽則又
加於前作十等近世詩人老而益嚴蓋未有如東坡

者也學者或以易心讀之何哉淳熙九年五月二十
六日玉局祠吏陸游書于鏡湖下鷗亭

跋馮公知節詩卷

蘇轍

馮公子元臨事敢爲立朝敢言以將家子得讀書之
助作詩蓋其餘事耳蚤知成都以抑強扶弱爲蜀人
所喜然酷嗜圖畫能第其高下成都多古畫壁每至
其下或終日不轉足蜀中有高士孫知微以畫得名
然實非畫師也公欲覘之而不可得知微與壽寧院
僧相善嘗于其閣上畫惠遠遊陸道士藥山見李習

之二壁僧密以告公公徑徃從之知微不得已擲筆
而下不復終畫公不以爲忤禮之益厚知微亦愧其
意作蜀江出山圖俟其罷云追至劔門贈之蓋公之
喜士如此陽翟李君方叔公之外玄孫也以此詩相
示因記所聞于後辛巳季春丙寅眉山蘇轍子由題
李名豸

跋彭山李肩吾字通

魏了翁

從周字通書有六體或指其事或象其形或假借相
成也凡以極天地萬物之變而與八卦九章並行於兩

聞者也古之爲教必由小學者將以參稽象類涵養
本初爲物格知致求仁入德之本此如兵法遠交近
攻且有次第其學者孰非所當知而後師友道闕高
者驚于上遠卑者安於小成於是禮樂射御書數咸
失其傳焉乃有以書學名家者則徃徃僅出於一技
一能之士而他亡所進也一日彭山李有吾從周以
一編書示余大較取俗之所易論而不察焉者以點
畫偏旁類萃爲目而質以古文名曰字通凡余所病
于俗者皆以開卷瞭然留與語旬有七日則有吾蓋

嘗博觀千載歷覽八紘而能返諸義理之歸者也嗚呼斯其爲學豈以一技一能而可名者比乎

跋青神桂末叔文

魏了翁

三馬食曹叔夜有宜去之書一龍禪宋淵明興歸來之歎然而淵明雖勇退而能離容不迫若將微罪行者視叔夜之徑直而輕愾殆有間矣史載淵明之去在義熙三年以其時考之蓋宋高祖殺劉仲文之歲昭明所謂恥復屈身異代者爲得其心夫豈以一督郵爲此禕禕哉而直冷深有能發越者杜君此文作於

蜀盜未平之日其尚淵明之心乎其昔守君之鄉而
不及識君嘉定十五年九月解后其子安石於臨安
始見是作因推本昔人所未發者識諸篇末而歸其
書杜氏

跋司馬子紀先後天諸圖

魏了翁

涑水司馬叔原覃思義理之學自羲文周孔之易河
圖洛書之數陰陽動靜之義日月遲速之度以及周
程張邵朱張子之書旁觀歷覽爲圖爲書時賢皆有

題識又欲求一言於予予遷靖未返不得與叔原共
學姑識數者之疑于末且先天圖自魏伯陽參同陳
圖南爻象卦數始略見此意至邵堯夫而後大明千
數百年間不知此圖安所託而圖南始得此圖亦已
竒矣而諸儒無稱焉數往者順謂震離兌乾知來者
逆謂巽坎艮坤皆以左旋言之今叔原以爲自乾至
震自坤至巽此必有所據朱文公以十爲河圖九爲
洛書引邵子說辯析甚精叔原從之而邵子不過曰
圖者河圖之數方者洛書之文且戴九履一之圖其

象圖五行生成之圖其象方是九圓而十方也安知邵子不以九爲圖十爲書乎故朱子雖力攻劉氏而猶曰易範之數誠相表裏爲可疑耳又曰安知圖之不爲書書之不爲圖則朱子尚有疑於此也近世朱子發張文饒精通邵學而皆以九爲圖十爲書朱以列子爲證張以邵子爲主予嘗以乾鑿及張平子傳所載大極五行九宮法考之即所謂戴九履一者則是圖相傳也久安知非河圖也靖士蔣得之云當以先天圖爲河圖生成數爲洛書亦是一說叔原謂

日月亦左旋此張說朱意也第日起北陸春西陸夏
南陸秋東陸而冬返系北陸則爲右乎左乎謂日速
月遲讀書窮理正欲其自得况叔原所引見處一分
虧之詩即予以作也吾儕所見本亦相遠第以曆家
細算分数言之則月行十三度餘者特約法耳其實
則一日至四二十四至晦行十四度餘五日至八二
半至二十二行十三度餘惟自九日至十九僅行十
一度餘此猶晷陰之畧刻最遲不爲無理而叔原反
疑之獨取望日爲證則日正行晷陰之間也况本乎陽

云楚有七澤遂耒觀焉又山逸人東巖子隱于岷
之陽巢居數年不跡城市漢太守聞而異之因舉
二人有道並不起今按東巖子梓州塩亭人趙麤字
雲卿岷山之陽則指康山杜子美贈詩所謂康山讀
書處其說見晏公類要鄭谷詩所謂雪下文君沽酒
市雲葢李自讀書山者地廣漠太守則蘇頲也頲薦
疏云趙麤術數竒自文章即其事也公後在淮南寄
趙徵君詩云國閭遙天外鄉路遠山隔朝憶相如臺
夕夢子雲宅可證決五代劉昫修唐書以白爲山東

人自元稹序杜詩而誤詩云汝與山東李白好樂史云李白慕謝安風流有號東山李白杜子美所云乃是東山後人倒讀爲山東元稹之序又由于倒讀杜詩也不然則太白之詩云學劍來山東又云我家寄東魯豈自誣乎朱有晁公武者孟浪人也遂信舊唐書及元稹之誤乃曰太白有敘及詩皆不足信噫世安有已之族姓已自迷之而傍取他證乎新唐書知其誤乃更之爲唐宗室蓋以隴西郡望爲標也善乎劉子玄之言曰作史者爲人立傳皆取舊號施之於

今爲王氏傳必曰郢瑯臨沂人爲李氏傳必曰隴西
成紀人欲求實錄亦難矣且人無定所因地而生
生于荆者言落族楚生于晉者言便成黃豈有世歷
百年人更北葉而猶以本國爲是此鄉爲非則是孔
子生于昌平陰氏家于新野而系蠡微子源承管仲
乃爲齊宋之人非曰鄒魯也豈可并錄景文修唐書
其弊正坐此夫族姓郡國關係亦大矣讀其詩不知
其人可乎余故詳著而明辨之以前史氏之誤姓譜
之缺焉若夫公之詩歌泣鬼神而冠今古矣豈容喙

哉吾友張子愈光有童書至白紛與下走共爲詩者
嘗謂余曰李杜齊名杜公全集外節抄選本九數十
家而李何獨無之乃取公集中膾炙人口者一百六
十餘首刻之明詩亭中屬楨題辭其端云

跋自書小楷春興詩

楊楨

自有玄花公不作小楷夏日寂居無事及試以爲之
李重光云壯歲書亦壯如縹姚十八從軍擁千騎凌
沙漠目無金虜跪未書亦老蒼孔明以白羽麾軍不
見風骨而筆法相隨漢無金鋒猶斯言也若無白羽

之能抵見皮象入土空耳余此書將無筒耶書成不覺自笑

異魚圖贊跋

楊慎

予作異魚圖贊間以出好事者或厭疑曰爾雅注蟲魚定非磊落人手不見韓子之詩乎予曰韓子有爲言之地跡其焚膏繼晷之際口吟手披之也遇蟲名魚字將刪之手老子云美言不信而五千之言未嘗不羨莊子欲絕學而莊子何嘗不學蘇子謂人生識字憂患始豈欲人盡不識字乎如此之類古人善戲

譚自措擊之一機也雖然不可以訓若孔子則豈其
然教小子以學詩終於多識則蟲魚固在其中矣孔
子豈磊落人哉近之不悅學者徃徃拾占人善譚之
言以爲不肖護躬之符可笑且悖充類其說則伏獵
弄麀之侍郎長鋌大劍之將軍一一皆磊落人也夫

補續金蜀秘文志卷之三十七

補續全蜀稅文志卷之三十八

黃岡杜應芳

裁訂

景陵胡承詔

檄文 露布

平西蜀頌 并序

國朝劉一基

臣聞 天命直垂混一六合必先有以爲之驅除然
後收拾以歸一統自古大亂之後必有大治理則然
也元德旣衰九土糜沸鴟張狼顧之豪彌蒲山澤萬
姓魚肉無所籲告天乃命我 皇上肅將威武代伐

不道故一伐而定荆湖再伐而舉全家三伐而海內
廓清四伐而東粵南閩悉歸版圖于是肆伐中原拾
宋掇秦掣趙救燕兵鋒未至聲聞先及神鬼震懼倒
匍俯伏玄菟青海崑崙大漠交趾儋耳之國罔不獻
琛奉表稽首闕下無敢後者獨明昇竊據巴蜀雖遣
使奉貢而不夫僞號大臣皆請討之 皇帝憐其父
歿子幼數遣使招之不至乃命將伐之洪武四年大
軍破瞿塘殺其將其郡邑鎮戍望風送款昇乃率其
官屬奉璽印詣軍門請降益自建國至是凡五年而

天下—統何其易耶固知天命有在而群雄並起爲
之驅除也臣基受恩深厚無能補報遙聞捷音歡喜
踴躍不能自已謹撰平西蜀頌一首雖不足以贊揚
聖德萬一亦聊以寓葵藿向日之忱云其辭曰惟茲
蜀國開自蠶叢山川隔闕與華不通金牛啓道厥竅
斯鑿岷峨巖巖始連井絡秦以之霸漢以之王諸葛
用之震驚北方劍閣倚天瞿唐圻地仰不可攀俯不
可視蠢茲羗戎憑其險阻罔知天命大邦是阻沈沈
虎臣受命于征出師桓桓如雷如霆天子之威廟

筭先定鬼神莫違靈旗揮揮指山摧羗人失魂心
若死灰將其臣妾奉其版籍俛首軍門面縛啣璧三
軍奏凱聲動玄黃黎童白叟蹈舞康莊四海會同豐
年穰穰慶雲甘露自天降祥臣拜稽首受天之祐受
天之祐天子萬壽

平真頌

劉成穆

惟皇御紀迺鴻峻休上越濛羲下轢軒周秉壹洪鬯
宣亮隆猷暉麗萬寶湛泊九州允哉天辟載緝稷秘
統織叶靈庶化咸殖絳蚪寢儀玄珪靖位煌煌勿謚

昔臻明瑞沔眷幽遐鑿燭西土昇命詰人爰視爰扃
鄩鄙之右塗赤帖邊梁興益價爲遐等惟我中丞
授戟帝側高駮灌鷺浪旂風越玉符燐燐朱黻繫繫
慝夫厲威懿士綏德眇茲真醜遘逆荒圉閔波弗依
敢造不軌聚屠險隅舉幟窮嶼我吏爲俘我民爲旅
三藩焮沸八郡雲擾中丞肇度式恢剷剿左輯覘纛
右建羽旄飭我六軍乃桓乃矯焯焯我徂兪寧
諭以霜檄是諭是震六月渡渝一戰柯門遂鏑臄魁
再消黷陰雄鯨既殲封蛇以戮矜出羣隊罔有不服

犒功鳴鏡偃旗旋轂還師成都壺漿塞途襄襄驅騏
赳赳武夫亦載自刃載馳彤弧籌分黃金連懸錦襦
陳俘于庭栳纓熒熒于戚惟和黍稷惟馨多士被樂
百工攸寧天子豫悅錫策黃扁昔周方虎如鷹如熊
明惟中丞如龍如麒作武惇文皇基月丕顯顯孫子
奕昭令禧

梁山旬虎頌并序

夏言

嘉靖壬辰歲撫蜀憲曹采滄獲白兔一于梁山縣之
蟠龍嶺是年十月遣使馳貢闕下辭曰臣采滄謹按

瑞圖王者應世恩加者舊則見茲實皇帝盛
德所致遠方小臣無任欣喜恭獻以奉揚天子
之休慶于時禮部尚書兼翰林院學士臣夏言稽首
頓首上奏陛下丕膺聖圖欽若天道祗載郊禋
光陟祖配達孝成于尊親至仁澤于天下寶
賢重穀食艾右儒總秉乾綱章明典憲萬方寧謐四
夷咸賓神功聖德美矣盛矣茂以加矣是以太
和薰蒸天乃降瑞象協流暢地不愛寶嘉祥奇瑞紛
至沓來顧茲靈物聖符陛下宜開朝堂御紫宸受

羣臣百官賀 皇帝曰吁咈哉其前代聖王暨我

烈祖 神宗則有由然予一人寡昧其曷克與茲

其擇日奠 宗廟告于我 祖考皇之 兩宮皇太

后以昭世德以徵天休爾羣臣百官其勿賀予臣言

稽首填首上奏曰 陛下體道謙卑遜美弗居會弘

光大此古聖帝明王之所弗若也臣官職典禮粵稽

前代帝王有盛德大業克致祥瑞其臣莫不拜表稱

賀退而作爲歌詩雅頌以播揚其君之休聞矧 陛

下功德赫奕煇燁昭乎千古乃慶稱頌聲弗作

千萬世將何觀焉臣不敢愛死敢再請 皇帝曰俞
爾臣職則然予重遣爾其可哉乃十一月丙辰以兎
獻于 太廟 世廟徐皇 兩宮越九日乙亥乃文
武百官上表稱賀禮成 臣言無任歡蹈謹再稽首頌
首敬獻頌焉頌曰

候皎白兔質馴良兮色奪縞練毳凝霜兮玉趾撲朱
日清揚兮孕靈粹和濟金方兮穴于蟠龍稟正陽兮
德茂則見瑞 聖主兮我 皇受命開明堂兮建其
有極廓乾綱兮嚴恭禋祀升馨香兮禮樂修和百度

張兮朝旒夕陽日靡遲兮羣臣承式罔怠荒兮萬宇
寧一戈鏗飛兮四夷來賓百獸蹙兮窮簷按堵時兩
場兮上帝鑒之錫嘉祥兮南瞻純德寶露溼兮苗
匪之陽借鵠翔兮俾彼太田歲則穰兮連穎五岐盈
倉箱兮徵休紀瑞頌聲洋兮瞻茲靈兔兆殊常兮玉
衡降精孕瑤光兮星輝虹流 帝嗣昌兮寶曆綿綿
越周商兮 天子萬年壽祿長兮小臣作頌告無疆
兮

征蠻諭檄

曾省吾

山都群醜盤據九絲歷代通誅皆畜以羈縻之屬
大明蕪覆始緝爲版籍之民雖在往日叛服不常未
若近年猖獗尤甚長驅江納幾薄叙瀘權衆稱王攻
城劫堡擄死千戶百戶擄殺監生生員所掠軍民或
賣或囚蓋化爲剪髮鬻齒之異族但遺老弱或熒或
戮相率爲填溝枕骸之寃魂林舍在在爲墟妻孥比
比受辱六縣不禁其荼毒四川不勝其騷騷其尤可
深恨極病者剖孕婦炊嬰兒資以爲咲解肢體掘墳
墓逞以爲克嗚呼慘酷至矣惡貫盈矣兔死狐悲在

物且傷其類民肥物與當官何忍於心前此任事有
人每主設將調兵之議奈何頻年罔効反滋師老財
匱之虞其故多端有難悉數大抵或苦於錢糧之浩
大或憚於巢穴之險深或迫於更代之靡常或淹於
撫剿之未定或守將虛稱捷伐購數級以捷聞或委
官駕言招安誇一時之勝筭或通老媒保利其出而
分螭蚌之財或主司水都慮其危而堅唇齒之助是
以漸成侮玩益肆憑陵甚至撤兵賞蠻天類引賊入
室病者在於指搨實切於腹心夫今不圖來憂方

求茲值 明良交泰之會更當中外協恭之時險莫
險於海倭每見駢尸就戮強莫強於塞虜已看稽顙
稱臣矧茲鼠百蜂腰豈足潤戈膏斧但念民怨已極
川知天網難逃且 朝庭以征剿盡絕爲期主將以
蕩平圖報自誓夫不暫勞者不永逸不小費者不大
成既雜議以僉同合整師而問罪咨爾文武將吏漢
土官兵共各奮勇抒忠布昭 聖武務在犁庭掃穴
振疊 天威於戲殺有可哀意將欲以止殺刑則勿
喜心本期於無刑一清巴蜀之氛共洩神人之憤用

命奏績者賞格且征决不食言違命罔功者憲典森嚴决不姑貸爾等咸聽令於闔外本院不遙制乎師中已集兵糧先飛羽檄

誓蠻文

宋范百禄

熙寧七年中書范百禄平五國蠻作文誓之曰蠢茲夷醜清溪之潛爲虺爲豺憑負固圉殺人于貨頭顱草莽莫勝燔炙莫悲奴虜勿號熟憑胡可悉數疆吏苟玩噤不敢語奮若之歲曾是疆禦債我將佐戡我士伍西南繹騷帝赫斯怒帝怒伊何神聖文武民所

安樂惟曰慈撫民所疾若惟曰砭去乃用其良鷹
是許鬻能齋孫爰敵狼虎戲其渠酋判其黨與旣奪
之心復斷右腋背孤擊崖深入厥阻兵從天下鐵首
其舉紛紜騰沓莫敢嬰犴火其巢穴及其困貯擊其
貲畜墟其林隸殺傷係縲以百千數涇灘墜風悉力
比附丁爲帝民地曰吾上授其器械籍入官府百死
一贖莫保銅鼓歛盟神天視此狗鼠敢忘誅絕以干
罪罟乃稱上恩俾復故處殘醜厥角泣血訴語天子
之德兩賜履護三五煦類請比涇倂大邦有令其戒

誓汝天既汝貸汝勿予侮惟十九姓往安汝堵吏治
汝責汝力汝布吏時汝耕汝稻汝黍懲創于今無效
在古小有堡障大有城戍汝或不聽汝繫汝捕尚有
就將快騎疆旅傳此黔軍毒矢勁弩天不汝容暴汝
君所不汝遺育悔于何取

茂邊紀事文

國朝朱

純

嘉靖丙申季春乙亥護林之北來遠之南長寧古驛
之墟穆肅雨滴之會有戎不軌倡有巨溝群醜弗威
陰連盜姓稔兇殘於殺戮肆興兇手轉輸刑英象鶴

作憚雁窺日入秘如鬼賊欺人至擬天驕急啖鯨奔
呼吸繫千人之命重關櫛比安危引一髮之鈞天意
伐謀地隣告變周郎分圖夜傳銅虎之符龔尉名家
早試金蒲之鍤群饗太沮一芥不遺兕出押而猖狂
豕負塗而躑躅嬰此方張之寇四路無雙動昔以律
之師三城有恃警聞叅府建節星馳令下每希刻期
雲合累官都督同無忌之策勲獨將遊兵壯諸公之
敵懷松州遣騎臨翼移屯及控上游互爲策應蜀山
吠日百爾隨聲周轍駮霆紛如怒臂外結河西諸部

日擾邊陲內要山後諸酋徑趨我闔積威攸劫競傳
市井訛言故態復萌追咎轅門惜賞所賴九重神筭
炳在琅函時惟兩院英名茂流錦里才兼將相河陽
潘岳之孫風樹紀綱吳郡陸機之裔芻蕘並採臂指
相通遂收渙而定疑聿勸忠而鼓銳三溪設險可塹
可城六哨分工且矛且鉞臺因山澤圖未逸於暫勞
陣寄鳥雲鎮大笏於至靜應兵隴木一戟枯樵梟俊
黑橋群奔走解核桃再熾遠觀花木之遺龍背夾持
進扼燕崖之隘先入默奪劇寇潛遁伺間道於夜泅

坐收嬰嘗獲細好於時出攻中機混旌旗與白日交
輝號令爲雪山增重縱橫應敵三軍不損一人遠近
孰得一月崑崙三捷腰金貫介獨馳不測之巔手刃
元兇兩奪群攻之具虜公充烈脇從皆降惟彼深溝
猶茲浚虐手刃荆而弗下膺石爲驅萬夫蕙爾莫前
常山阻絕老帥非計密使與權昭物采以犒軍後壺
槩而屬道狼貪亦笑其心藹伯之邀鳩毒胥腹駢首
中山之計荆棘介然成路叱咤生風桑榆籍此收功
講張虧寶光韜吾闕吾戰爭鎡敵樹蕭牆筆鋒禦侮

斷荼得中丞之斧辨失儀秦突圖迎驃騎之鞞權交
 平勃既參而伍乍合而離虛實和形正商互用鑿山
 通徑故左道以傳疑卷甲銜枚忽中宵而乘解懸岩
 壁立未遑鄒氏之種分部蟻登亟樹漢家之幟盡連
 禍於一炬燭萬劫之遺寃數雜虜松橫戈刷千年之
 深耻淺渾伊邇一夕七唇老穉相禱四山崩角事懲
 結息恢張擒縱之規亂問厥由克制短長之命衆輸
 心而悔罪爭獻崇魁壘斷指而祈恩三遵約束剗牛
 泉抄飼馬雲端蘇息仰天之窩勒銘張石之窟月粉

建未日則先庚黑水再清漢閣重闢壯士歌而崑崙
應妖氛淨而牛斗光偉哉主帥之功展也多賢之輔
智慧信惟乘勢號眺終有同人徵調無煩勞縣不聞
金草公私大省居民盡仰忻懽彼媢嫉者何爲竟提
幡乎何益嗟乎夷狄古無深治兵家未有常形處置
得宜韓輿取捷忠邪易位陳塹爲夷慎蕭氏之金甌
白茅斯重碎范增之玉斗瓦礫何殊語要無他任人
而已邇歷年之多難慨當事之寡謀舍耕織於專門
玉人受教務採樵於近利天險爭雄千里徵兵驅市

人而浪戰一言遣將率弟子以輿尸野心從此日驕
士氣至今丕振或吹葦而過計每破釜而失穀各出
納於平時急撫和於臨陣堂堂中國不虛城下之盟
赴赴武夫盡剝心頭之肉校人飾詐謂彼昏而不知
祈父招衣膝多瘠而罔詔馴致邇年之禍無如五寨
之深江山助彼金湯道路出其門戶防秋久別一戍
數千來歲生還什無四五擢髮已窮於甲士褫衣不
免於戶侯彼矣督軍呈身三宿有雄駉駉遮道千金
魏磨覘我垣墉自若戕人肘腋有山如障來則高巢

有坎如隍寢同平北孤城鞏固誰開近賊之門福將
導榮莫究折衝之志蒙茸比郭牧唱春嚴咫尺西橋
鬼門騰號狗彘貴於人命魏豨賤同草晉鬪稔兇神
人共憤件勲歿事日月為昏上帝聞腥旋轉廓清之
運元臣秉鉞鑿開混沌之天罪惡貫盈宜俾根株悉
拔險庸起信乃惟旦夕邇圖猩血猶爭虞旌倏下倉
皇失措馮高已歿之金喪亂旣平人惜有功之袴裋
兒解體髦士弛擔乏承殊顛杞憂環視漠如越瘠言
猶在耳戎復生心試觀四起之塵夫豈一朝之故及

今不飛尚事因循厥禍長流將何紀極彼其之子束
高閣乎幾年亦獨何心壞長城乎萬里塞胸諸難未
聞決策聳人銷骨巧詞祇見幸災樂禍身如謀國何
媿殿上之爭賊已渡河尚作道傍之舍百年之算肯
歛手以推基六月之師但駕言於揮扇肩山欲蹶腹
劍及攻太阿不識倒持宏詞何用手板已看倒執高
論猶存嗟乎內有纜夫外多勅敵拔高難合息壤無
盟肘雖掣而刃自前踵未旋而亂盪沮人見田單厲
氣遂收三月之功孰知神禹至誠會素七旬之格監

儒幾敗乃事炎德方隆祭功惟斷乃成名賢在位匪
人匪地惟動惟順天蓋忠良不病於扼腕斯夷虜無憂
於得夏天冠地履自循萬古之常秋敘春生孰爽四
時之令是非如鏡賞罰快人英雄有樂歿之心沙漠
盡宣威之地嗟乎室家安枕所重藩籬七劑奏功寧
辭瞑眩靡盬莫非王事匪躬乃見王臣紫塞歸駮者
老垂漢官之涕青萍長價將軍全報主之身栢府
持衡宏啓清平之宴玉堂秉筆大書全勝之樓白面
何能躬逢盛事形易戰味共醉佳辰念一時共事

之情成百折不回之義有痛更深於定惟亡乃保其
存爰紀諸艱用酬同志

討播誓師文告

李化龍

蓋聞春秋之義人臣無將漢法所誅大逾不道逆賊
楊應龍者本以夷種世廁漢官被我冠裳守彼爵土
輒敢忘天朝豢養之恩恣鬼國兇賊之性初但殃
及骨肉繼乃禍遍寰宇嬰兒孕婦槩被誅夷殺將屠
城以爲常事虐燔燔乎五司七姓淫毒漸於九溪三
壑天地不蒙神人共憤皇天正痛兆民之失所杜列

辟之効尤遂伐暴以安民乃興師而問罪化龍等共
以職守厥在戎行義當戡亂成平勢湏分猷共濟蓋
必參省之中文武將吏以及四海之內漢土官兵暨
除兇雪耻之圖奮修力同心之誼庶幾共獎王室乃
可必得罪人茲將鞠義旅以徂征敢用對明神而作
誓且夫惟忠可以報主惟公可以服人惟致成不
貳可以徇國家之急惟精白無欺可以樹撤搗之勲
凡在行間請事斯語如其無貳乃心克勤王事神亦
陰爲庇相俾享成功若督撫鎮道及副叅遊守府縣

循所大小文武等官有懷奸飭詐罔上行私乾沒軍
資枉殘民命妬人則以功爲罪逃刑則以罪爲功或
假公事以報私讐或介小嫌而妨大事或以是爲非
以非爲是任一己之見而失三軍之心或當進不進
當援不援偷一時之生而戕萬民之命或懷忠不盡
退有後言或臨事避難轉生枝節或賞罰功罪之不
明或南北漢土之異視或持兩端而規利或罔三尺
以徇情或造疑似影響之說以傾人或挾機械變詐
之術以利己有一於斯卽爲負國負國之人其名爲

賊明神殛之死不旋踵逮及闔門永絕其嗣夫神聰
明正直而一者也有人負國而不知聰明謂何有
人負國而不誅正直謂何有人負國而不知之誅之
有不徇有不平一之謂何夫神護國祐民以食其報
者也神不明則士不奮士不奮則賊不滅賊不滅則
民不安民不安則兇年殺禮於神亦有不利焉敢盡
布之明神惟明神其圖利之

平播露布

李化龍

伏以辰象麗天七緯判井參之紀方輿略地八紘嚴

夷夏之防故陰慘陽舒天紿所以陶庶彙而文經武
締詰后所以殿萬邦道如此乎相成世賴茲而常治
蕃亨而理爰開弧矢之威舞干以來不廢徂征之舉
黃公玄女策贊玉門赤標素靈符昭金匱洎乎 皇
風旣降猶然遠略時開漠馘日嘉嚴教訖於嶺表唐
俘蒙儉威稜憺乎天南是雖晚近世之作爲實乃大
聖人之家法匪云得已允有成功恭惟 皇帝陛下
道契大書繩祥擒載玉憲紫微而立極雪踐四神登翠
媯以握圖星飛五老昇平三紀雲火靜其橫氛受胙

九宗風雨漂其濊澤委任心膂妙選爪牙兵以不殺
爲威德用無爲而治劔方叛黨嬰城旋就誅夷海外
渠魁越國其從紐東宸居端拱天步泰寧日浴
月躔之鄉莫不奉琛而納款紫舌黃衷之侶咸皆解
轡而稱臣昆明通太液之波大宛貢天閑之駟春
秋之義無外詩書所彌何加惟此播州介於川貴貞
元以往猶遷客之是居會昌而還爲楊端之竊據本
以招討擅此方州跨重岡履嶺以䟽疆介絕澗茂菁
以談險丹崖紫澗常截地而濛回翠壁蒼巒出每橫天

國畿葉羊腸鳥道一夫可以當關虎嘯猿啼萬騎總
爲郡况加以腥煙暮覆毒露縱橫上漏下蒸坐見飛
鳥之墮前溪後窞常多有武之災別是封疆自爲轂
轂冠紳承襲意歷四朝子姓蒙安洊及千載強弱之
形及見離合之勢靡常饑則依人飽則颺去終非馴
擾之儔失則其鹿德則其人薄示羈縻之術然猶奉
琛奉幣職歲之貢獻無虛不判不侵非時之征調
惟謹迨至逆賊應龍者夷運將紛滯凶遂熾天奪其
監旣女忍而無親鬼瞰其家輒恣行而播虐殺人如

不舉害衆者弗勝狗孽妻之言妻其屠膾剪同官之
黨人盡誅夷敵怨五司魚肉不留乎遺積快心七姓
烹醢究徹於三臬懸磔確湯鑊之刑寘火麻鐵刷之
獄是尚恣睢乎部曲已而戰慄乎 縣官數肆嫚書
屢馳密諜謂 九重爲遠轍不憚於吠堯以千里自
封財無難於使鬼重慶城計腕犴狴已遣靈誅白石
日謀動干戈寧辭越志從此恣其玩弄因而極彼講
張宰割一方睥睨諸省叔藏亡余逋逃徧四海之姦
糾結生苗聲勢致兩川之震盛氣豈忘躍馬雄心不

憐稱孤犯乃無將志不在小 皇上俯憐愚謬屢沛
鴻慈征誅尚緩於後夫撫戢屢申乎邊吏網開三面
聿弘孕育之恩禽縱九頭倍肆鴟張之志虎劉飛練
鬼哭千家糜爛蒸江屍橫百里掬嬰兒以填巖谷刳
孕婦以決雄雌萬靈號地稱冤四境顛天自命樵蘇
何計間闖動鼙鼓之哀羽檄交馳城郭感妖氣之氣
一時惡少儘欲效尤幾種夷酋半懷觀望業已騾騷
乎西南半壁之天下行且震驚乎東北一帶之人心
亂形已成逆圖漸逞全蜀星河搖拽重瞳宵旰焦勞

停望廓清宜資卓犖而臣以章維末品樸遜短材偶
詔起於田間遂謬膺乎軍事控四蜀兼綜湖貴柄在
專征奉 三錫而濫秉鉞旄義當殲賊臣感茲 恩
遇頓效馳驅情同泣劍非暴草以從我心切枕戈計
除兇而報國但期平定敢愛髮膚願民力凋瘵而未
蘇文武備廢弛而不振賊強臣弱難希擒縱之風一
日數驚劫斷平安之次於是殫摠朽鈍獎率權奇謹
會同巡撫貴州兼督理湖北川東等處地方軍務都
察院右副都御史臣章巡撫湖廣等處地方兼提

督軍務都察院右僉都御史臣可大巡撫備沅等處
地方提督軍務兼理糧餉都察院右僉都御史臣鐸
其懷許國之心咸篤勤主之誼謂夫事關三省必
須動協萬全以固安人心以及緩作士氣內葺理
而外持鎮靜許頗效於謝安陰不足而陽示有餘龜
顯增於虞詡徵兵之使四出環秦庭而包賦無末寄
圖之理三推幟鍾鹿而重屋拍髀柄分黃鉞下天
上之將軍察有并書合地中之義旅命送於蜀魏
各三方於楚人集滇廣樓船車瀕之康連韓魏奮擊

蒼頭之衆秦稱孔武羅蓋首夏奇之朋浙號多才搜
朝越平吳之士鷹揚侈譚於齊客喜建功勳駁轂偏
重於燕臺爲憐慷慨有嚴石○異其武服而旂旄央央
如漢如江啓戎行而威靈濯濯咸來奏技莫不從
軍又以古制師以糧從兵貫馬騰士飽爰開廩廩共
極舟車籌策徧於柔纒轉輸酌乎鍾釜艦舩銜尾衆
盡海陵之倉組練生光山積漁陽之甲兵同白雪衆
悅蒼雷臣乃於正月十五日攝衣登壇歃血矢誓骨
忠義以作士氣思齒劍者投袂竝興懸賞罰以一人

心懷淬刃者超距競起衆憤嗟而梁益之天戍霧軍
激動而岷峨之水飛波光日長驅嚴兵待發臣又於
二月十二日五鼓戒衆八路徂征在四川以綦江南
川合江永寧爲四路總兵吳廣劉綬馮孔英將之
而監軍以叅政張棟謝詔督餉紀功以叅政張文耀
副使史旌贊叅議熊宇晉愈爭徐仲佳在貴州以爲
江沙漢平越爲三路總兵官李應祥將之而監軍以
按察使楊寅秋叅議張存意督餉紀功以叅政郭廷
良副使洪澄源尤錫顯叅議旂國樓在湖廣以編橋

爲一路總兵官陳璘將之而監軍以按察使胡桂芳
參議魏養蒙督餉紀功以參政詹啓東副使王應霖
路雲龍陳與相集辭策於一時宣 天威於九伐媿
隊飭元戎之令以律而戒練士維夷漢之師在和而
克風鶴戒知助順草木都化爲兵賊勢已危狂氣未
戢力伸螳臂尚三覆而設奇若燎鴻毛輒一鼓而制
勝諸路並斬關而入一時多解甲而降婁山岩門萬
夫不守滑潭河渡一帶可航兵遂環於白田衆已焚
其赤社曲房別館一炬堪憐班馬銜車闔門威策於

是巢穴漸定羽翼平摧獸既窮而搏人鹿方多心而走
險賊乃重招逆黨共保嚴隈自似臨高築距堙而不
及一偏延敵攀蘿葛而難躋自謂天險可乘兼有積
儲足恃猥云得計祇自速亡爰命六師圖之三匝蚤
張屢奮妙列校羅嚴加募乎千金攻極力殲莫禦疾
雷之勢計窮詐得煩貽小月之書臣乃訶其深謀特
申儆備復令按察使張榜入營督戰重戒總兵吳廣
毋與賊通舉志彌堅賊困猶鬪連旬集雨共洗蠻蜒
之妖疊雉霾雲定壯玉師之氣勢將剪滅事已垂成

而臣適蓬閔囚遙傳音耗寸心塗炭乍懷進退之虞
簡命眷留更切始終之慮望雲渺渺向日炎炎事
難適犬兩全身惟拚乎一死勉脩軍令益整兵威旬
月迭攻晝宵不息小巖結聚知蠻滅以非遙異鳥翺
翎信賊平其有兆卒徒執奮雉堞平頽彼力盡於杖
楛此骨騰而距躍楚歌四起雖不逝以礪心越甲重
來犬長號而入夢徒揮金而召死士竟掩袂而別妖
妻縱飛走以無門悲蟻虱之相吊天亡已定矢劍烏
江人力難施校繯荒谷快大兵之畢集遂登舉族以

就擒剖腹不減然
躋駢首同看繫頸
涓人彩女解玉佩
而成俘劍客謀臣
抱兵符而就繫雷
擊星馳三十萬巢
穴倏爾成空權枯
拉朽指揮間根株
蕭然蓋拔定軍之
山頓頽潯州之水
已丹飛虎飛龍墜
城如掃養鷄養馬
故壘空留止餘草
木之腥無復萌牙
之肆訊執已成聚
落昔功不管丘陵
築京觀可示來茲
勅銅標謾誇已事
紅旗十里依依六
月班師翠幟千重
蕩蕩三分底定前
歌後舞銑吹半襍
於巴渝繡帽錦衣
勝氣全高乎玉壘
我翟因而奮氣流
汗走僵將軍

從此開顏告成飲至察弓卧或息壯士之呻吟解劍
賣刀恣農夫之耕耨百蠻稽顙萬姓謳吟重念開劔
之難更竭圖維之力因地形以爲疆理招土著而慰
民黎削厥叢祠別營茅社爰分土宇指西毋而開國
載布冠裳順泉風而受吏易瘴鄉爲樂園矜人起鴻
鴈之歌黜夷法於漢官拭目快威儀之覩化瑟張而
勿擾熙熙乎坐赤子於春臺太牢享而有餘栩栩然
罔襲人於蝶夢本因亂而制治實用夏以變夷何敢
言勞期不辱 命此蓋 神武有赫 厚德用威遠

克鬼方奉後不憚於三載同符 帝德成功僅踰於
七旬民未大勞師無再役還千秋之疆土重勒鼎銘
戢四海之窺覩坐銷金甲獻俘 清廟更承玄緯之
心上壽 明堂旅受綠圖之福